



## **Isumaginninnikkut akisussaaneq amerlasuunit isumagineqassaaq**

*Isumaginninnermut Naalackersuisoq nunatsinnilu kommunini borgmesterit 4.-5. februar 2010-mi ataatsimeersuarneq "Ataatsimut kivitseqatigiinneq" tunuliaqutaralugu sinaakkusiisumik ima isumaqatigiippat:*

Atugarissaarnissamut periusissatsinnik ineriartortitsiuarnissaq Naalackersuisut kommunillu ataatsimut anguniagaraat, taanna meeqqat tamarmik toqqissisimanartumik isumassorneqarfiusumillu alliertornissaannik pineqartullu inuttut akisussaananeramik nukittorsaanissamik qularnaariffiusussanngorlugu.

Isumaginninnermi politikikkut anguniakkap taassuma anguneqarnissaata suliassarujussuunera nassuerutigalugu, kiisalu pisortani oqartussaasut suliassamik isumaginninnissamut innuttaasunit kaammattorneqarnissamik pisariaqartitsinerat nassuerutigalugu innuttaasunit, soqutigisaqatigiinnit suliffeqarfinniillu namminersortunit ilaqutariinnik nukittorsaanissamut isumaginninnikkut akisussaaqataasunit, meeqqallu tamarmik tun-ngaviusumik pisinnaatitaaffeqarnissaannik qularnaarisunit suliniutit tamaasa nuannaarutigalugillu tapersorsorpavut.

Ataatsimeersuarneq piumassutsiminnillu suliniartunik qulaajaaneq saqqummiunneqartoq NGO-it (Non Governmental Organizations), piumassutsiminnik sulisut suliffeqarfiillu nunatsinni inuiaqatigiinni pingaarutilimmik inissinnerannut erseqqissumik uppersaataapput.

Nuna tamakkerlugu kommunimilu politikikkut suliniutissat aalajangersimasunillu suliniutit arlallit pilersaarutaallutillu aallartinneqarsimapput. Namminersortutik Oqartussat kommunillu suliniarnermik taakkuninnga ataqatigiissarinerulernissaat isumaqatigiissutaavoq.

Kissaatigaarput Kalaallit Nunaat tamakkerlugu isumaginninnermi akisussaaqatigiinneq annertusarneqassasoq.

Piumassutsiminnik suliniartut suliffeqarfiillu namminersortut pisortat suliniarnerannut annertuumik tapersiisarput, taamaalillutillu meeqqat ilaqutaasalu inuunerannik pitsanngorsaaqataallutik. Inuiaqatigiinni ingerlatallit taakku suleqatigineqarnerisa nukittorsarneqarnissaa isumaqatigiissutigaarput.

Pisortani oqartussatut pineqartumut pingaarnertut akisussaasutut ilutsinni suleqatigiinnitsinni makku ilaatinneqassapput:

- Isumaginninnermut tunngasuni maanna siunissamilu suliniarnermik ataqatigiissarinerulerneq pilersaarusiornernerlu
- Sulisunik ilinniartitsinerit ataqatigiissakkamik pilersaarusiorneqarnerat
- Isumaginninnermut tunngasuni best practice-mik kiisalu piumassutsiminnik suliniartunik suleqatigiinnissamut periutsinik naleqquttunik ineriartortitsineq siammarterinerlu
-



- Isumaginninnermut tunngasuni misissuinerit inernerinik paarlaasseqatigiinneq, naliliinermilu atortussanik ineriartortitsineq

NGO-nut, piumassutsiminnik suliniartunut suliffeqarfinnullu isumaginninnikkut akisussaanermik (CSR) suliaqartunut tunngatillugu makkuninnga pisussaaffilissaagut:

- Taakku isumaginninnermi suliniutit pillugit ilisimatittarnissaat akuliutsinneqartarnissaallu
- Namminersorlutik Oqartussat Kommunillu najukkkami periarfissiissutaanik (ininik, pikkorissartitsinernik il.il.) erseqqissaaneq
- Najukkami nunalu tamakkerlugu ataatsimiinnikkut ingerlaavartumik oqaloqatigiittarnissap qularnaarnissaa

Naalackersuisut kommunillu ataatsimoorlutik isumaqatigiissut una iliuusissatut pilersaarusiornikkut ersarisassallugu imminnut pisussaaffilerput aamma ineriartorneq malinnaaffigissallugu kiisalu suleqatigiinneq nalilersortassallugu.

Nuuk, ulloq 5. februar 2010

---

Maliina Abelsen

Naalackersuisoq for Sociale Anliggender

---

Asii Chemnitz Narup  
Borgmester

---

Simon Simonsen  
Borgmester

---

Hermann Berthelsen  
Borgmester

---

Jess Svane  
Borgmester